

Երիխ Ռասպե Բարոն Մյունխհաուզենի արկածները (հատված)

Ուշադի՛ր կարդա և կատարի՛ր առաջադրանքները:

Կողմնացույց չլինելու պատճառով մենք երկար ժամանակ թափառում էինք անձանոթ ծովերում:

Մեր նավն անընդհատ շրջապատում էին շնաձկներ, կետեր և ուրիշ ծովային հսկաներ: Վերջապես դեմ առանք այնպիսի մի ձկան, որն այնքան մեծ էր, այնքան մեծ, որ գլխի մոտ կանգնած, պոչը տեսնել չէինք կարողանում:

Երբ այդ ձուկն ուզեց ջուր խմել, բերանը բաց արեց, և ջուրը գետի նման նրա կոկորդը հոսեց՝ իր հետևից քարշ տալով մեր նավը: Կարող էք պատկերացնել, թե մեր մեջ ինչ իրարանցում ընկավ: Մինչև անգամ ես, որ այնքան քաջ եմ, էլի վախից դողդողացի:

Բայց ձկան փորի մեջ նավահանգստի պես խաղաղ էր: Ձկան փորը լիքն էր նավերով, որ ագահ կենդանին վաղուց էր կուլ տվել: Օ՛, եթե դուք գիտենայիք, թե ինչպիսի խավար էր այնտեղ: Չէ՞ որ մենք չէինք տեսնում ո՛չ արև, ո՛չ աստղեր, ո՛չ լուսին: Ձուկն օրական երկու անգամ էր ջուր խմում, և ամեն անգամ, երբ ջուրը նրա կոկորդն էր հոսում, մեր նավը բարձրանում էր հսկա ալիքների վրա: Մնացած ժամանակ ձկան փորի մեջ չոր էր:

Երբ որ ջուրը ցամաքեց, ես ու նավապետն իջանք զբոսանքի: Այստեղ մենք հանդիպեցինք ողջ աշխարհի ծովայինների՝ շվեդացիների, անգլիացիների, պորտուգալացիների: Նրանց թիվը ձկան փորի մեջ տասը հազարի էր հասնում: Նրանցից շատերն արդեն մի քանի տարի ապրում էին ձկան փորում: Ես նրանց առաջարկեցի հավաքվել ու քննության առնել այս տոթ բանտից ազատվելու ծրագիրը:

Ինձ նախագահ ընտրեցին, բայց հենց այն րոպեին, երբ ես ժողովը բաց արի, անիծված ձուկն սկսեց նորից ջուր խմել, և մենք մեր նավերը փախանք:

Մյուս օրը կրկին հավաքվեցինք, և ես հետևյալ առաջարկն արի. երկու ամենաբարձր կայմերը իրար կապենք և հենց որ ձուկը բերանը բաց անի, դեմ տանք ծնոտներին: Այն ժամանակ ձկան բերանը բաց կմնա, և մենք հեշտությամբ դուրս կգանք:

Առաջարկությունս անցավ միաձայն:

Երկու հարյուր ամրակազմ նավաստիներ կայմերը դեմ տվին ձկան ծնոտներին, և նա այլևս բերանը փակել չկարողացավ: Նավերն ուրախ-ուրախ ձկան փորից դուրս լողացին:

Պարզվեց, որ այդ հսկայի փորում յոթանասունհինգ նավ է եղել, կարո՞ղ եք պատկերացնել, թե ինչ ահագին մարմին ուներ:

Կայմերն, իհարկե, թողինք ձկան բերանում, որ նա այլևս ոչ ոքի կուլ տալ չկարողանա:

Մենք դեպի ափն ուղղվեցինք, և ես շտապեցի ցամաք դուրս գալ, հայտնելով ուղեկիցներին, որ այլևս ոչ մի ժամանակ և ոչ մի տեղ չեմ գնա, որ բավական են այն նեղությունները, որ կրեցի, իսկ այժմ հանգստանալ եմ ուզում:

Իմ արկածները շատ հոգնեցրել էին ինձ, և որոշեցի հանգիստ կյանք վարել:

Տեքստային առաջադրանքներ

1. Ինչո՞ւ նավը հայտնվեց ձկան փորի մեջ, գունավորի՛ր ճիշտ պատասխանը: 1 միավոր

ա) Նավաստիները չէին նկատել ձկանը:

բ) Ձուկը սոված էր և կուլ տվեց նավը:

գ) Ձուկը ջուր խմեց, ջրի հետ նավն էլ հայտնվեց փորի մեջ:

դ) Պատճառը նշված չէ:

2. Ի՞նչ առաջարկ արեց հեղինակը ձկան փորում վաղուց գտնվողներին, որ կարողանան դուրս գալ ձկան փորից: 1 միավոր

. երկու ամենաբարձր կայմերը իրար կապենք և հենց որ ձուկը բերանը բաց անի, դեմ տանք ծնոտներին: Այն ժամանակ ձկան բերանը բաց կմնա, և մենք հեշտությամբ դուրս կգանք:

3. Նավաստիներն ինչո՞ւ կայմերը թողեցին ձկան բերանում: 1 միավոր

Կայմերն, իհարկե, թողինք ձկան բերանում, որ նա այլևս ոչ ոքի կուլ տալ չկարողանա:

4. Տեքստից դո՛ւրս գրիր մեկ պատմողական նախադասություն և դարձրո՛ւ հարցական: 1 միավոր

Մե՞ք նավն անընդհատ շրջապատում էր շնաձկներն, կետեր և ուրիշ ծովային հսկաներ:

5. Բառեր ավելացրու տրված նախադասությանը: 1 միավոր

Ձուկը բացեց բերանը և խմեց ջուրը :

Բառային առաջադրանքներ

1. Տրված բայերը դարձրո՛ւ գոյականներ: 1 միավոր

լողալ-լող

հանգստանալ-հանգիստ

խաղալ-խաղ

զրուցել-զրույց

2. Տեքստից դո՛ւրս գրիր թվականները: 1 միավոր

Երկու հարյուր , տասը հազար, երկու

3. Գոյականներից առաջ գրի՛ր՝ *ինչպիսի* հարցին պատասխանող բառեր: 1 միավոր

Մեծ ձուկ

սիրում նավ

խիզախ ճանապարհորդ

բյուրեղյա ծով

4. Գրի՛ր տեքստում **դեղինով ընդգծված** բառերի հոմանիշները: 1 միավոր

Քաջ- խիզախ, հսկա դյուցազն, նորից-կրկին, այժմ- հիմա,

5. **Գրի՛ր տեքստում կանաչով ընդգծված բառերի հականիշները:** 1 միավոր

Խաղաղ- աղմկալից, չոր -խոնավ, **դուրս-ներս**, հանգիստ-անհանգիստ